

پازاریرتسی -- فی ۲۱ ربیع الاول سنہ ۳۲۷ وفی ۳۰ مارت سنہ ۳۲۵

جمعیت علمیہ اسلامیہ نیک افکاریدر

صاحب امتیاز : فاتح مجیز درسعاملندن
 سر محرر : فاتح مجیز درسعاملندن
 مدیر مسئول : مشیخت مکتوبی قلعی خلفاسندن معمار زادہ :
 شہری احمد رامز مصطفیٰ سہری محمد علی

مندرجات

انصاف	ابن الامین احمد توفیق	قوصودہ واقع فیروز بک جمعیتی	رجب
سیاست شرعیہ	ابن حازم . فرید	ادبیات	
استبداد ، دین	حسین حازم	یاودود	ابن الامین محمود کمال
دین اسلامدہ هدف مناقشہ اولان مسائلدن	مصطفیٰ صبری	کوی	فوزی
دیانتک مدیتہ لزوی	مصطفیٰ نقی	مفرقہ	
اتفاق	رفعت	حکام الشرع طرفندن مبعوثانہ تقدیم اولتان لایحہ	

نسخہ سی ۱ غروشد

آبونہ اجرتی (پوستہ اجرتیلا برابر)

ممالک اجنبیہ ایچون :
 ۱۲,۶۰ فرانق
 » ۶,۳۰

استانبول وولایات ایچون :
 برسنہ لک ۶۰ غروش
 الی آبلنی ۳۰ »

درج ایدلمیان اوراق اعادہ اولغاناز

قارئلر مزہ :

اکثر مقالاتہ ابات کریمہ واحادیث نبویہ درج ایدلمش بولندینی نظر اعتبارہ آلنہرق رعایتسز لکندہ بولنلعمامسی
 رجا اولنور .

درسمعات

بکر اقدی . طبعمعی — وزیرخان



بازار ایرتسی کونلری نشر اولنور دینی ، ادبی ، سیاسی فنی هفتلق غزته در .

انصاف

انصافدن تجرد . غدر و عناد ایله تمرد دیمکدرکه :
 بوکی معنیدن و متردینک حق و حقیقتی اقبال و قبول
 ایله معالی بشریه یی اکتسابنه امکان تصور اولنه ماز .
 حق و حقیقت تعین و قبول و منهاج مستقیم انصاف
 دخول ایدلز ایسه کردن انقیاد پنجه غنود غذاده دوشیر .
 او حال دده امور خیریه و معقولیه میل و انجذاب قلماز .
 نفس و هوا ازائه اثار تقاضا ایدر . کله حق استیلا و دکل
 استماع بیله اولماز .

انصاف بر میزان خبیج العیاردرکه ماهیت اقوال
 و افعال اند . تعین اولنور . قیمت و قوتی آنکله یلنیر .
 نیک و بد . خلا و صواب موازنه انصاف ایله تمیز اولنور .
 منصف اوله بیامک ال اول کندی نفسندن حساب
 آلمنله نمکندر . کندی قولی . فغانی خارج از حساب
 طوتمق و یا برطاقم تأویلات ایله ستر خطابه اوغراشمق
 انصافی الدن براقتمدر . کندی نفسیه محاسبه یه کیره شه میاندلر
 کندندن بشقه لر نیک اوژی سوزنی محاسبه و موازنه یه

انسانیه شرفیخش اولان خنصائس عالبه میاننده
 « انصاف » برمزیت کران قدردرکه آنکله انصاف ایدنلر
 مطلقا حائر عز و حضور اولورلر .
 بوخصیصه مبارکه نیک عظم قدر و شأنه « نصف الدین »
 وصفیه تعریف بیورایده بر برهان جلالت نشاندر .
 حقیقت ، خاصه میجاه انصاف . کجالات انسانیه جه
 بر مؤثر ذی قوتدرکه دائما موفقیت و سلامته وسیله نمای
 وصولدر .

بشریت خاصه انصافی ساقه سلا درکه معارج عالییه
 ساعد و مزالی خسران و خذلاندن متباعد اوله بیده شد .
 چونکه بو حلیه پاکیزه نیک تجلیسی - انجق - بر حوق
 خصائص برکزیده نیک وجود و آئینیه قابلدر . دهسا
 طوغریبی انصاف . مزیات عالبه ایله انصاف ایدم بیلان
 اخباره میسر بر سعادت عظمادر .

هیچ بر مصلحت در عهده و بی‌پارک بیلیم‌ه‌رک عبادله
مضرر ورنجیده ایدز . یانه امر نه‌ده مأمور اولدینی
هیچ بر وظیفه و صلاحیت تصویری قابل بولم‌دینی حالدله —
حمیت و غیرت ستره‌سنه بورینوبده — خلقی اضلال
وافساده ساعی اولان‌ره نه‌دنیله‌بیلر . انصاف‌در احوال‌که
شوات م‌رحوم‌نک سعادت و سلامتی اختلاف و نفاق
ایله دکل . ائتلاف و وفاق تام ایله ممکن‌الوصول اولدینی
بنیات قویه‌ایله‌م‌برهن ایکن — اختلاف اتمده‌کی‌رحمت —
تحمل معاوندن چیقاریلوب هر بحث و مسئله‌یه عطف
و غریب غریب تفسیرات ایله اکلایان اکلامیان اختلاف
و مخالفته سوق اولنسون . انصافه نصل صغیر یله‌بیلیرکه
بر مسئله و یا حادثه‌نک حقیقت و ماهیتی — لایق‌له دکل —
سلحجه‌یه بیلله استسکنانه اولنماش ایکن — بیلیمه‌من
نصل غریب حسله‌ره ارزولره تبیلله — تنقیدنده
واعظای حکمه‌ده تردد اولنماشون . باخصوص عقلاً نقلاً
عرفاً و عادةً معزز و هر صورت‌له تخطیدن منزله اولان اعراضه
تعرضده برأس ملاحظه و التفات نفسانیه‌یه غلبه
ایدیله‌مسون . انصاف تحققی ایسه اظهار حق نامنه منسطلر
مغلطلر ترتیب ایله حقوق غریک احساسی ممکن می اولور .
قدر کران ناموسک استخفافه جراتمی اولنه‌بیلر .
جرات ایدنلر جمعیت اره‌سنده بریری بوله‌بیلر .

انصاف . انصاف‌که : نورظلمت ؛ ظلمت نور عد
اولنلار . ن . شرق غربده . غرب‌ده شرق‌ده کورلمسون .
خیرشر ؛ شرخیر ایله هم حال قیاس ایدلمسون . جهل

نصل صلاحیتدار اولور . بو صلاحیت فرض اولنسه
بیلله اموالنه صالح و خبیث اوله‌ماز . دائرة انصافه
ادخال ایدله‌من .

انصاف تمایلات روحیه و محاکمات فکریه‌جه دائمی
نقطه حق و اعتداله سائق اولور . دائماً عذر و خطایی
اخلاص ایدر .

هرکسک کندی نفسی هرکسدن زیاده کندینه یقین
و ماعت حقیقه‌سی هرکسدن زیاده کندنجه معلوم ایکن
حسنات . سیئات هر نه ایسه استباطه مقتدر اوله‌ماز
ایسه — اخراک فعل و قولندن استخراج ایدله‌بیلیم‌سی
بستون محالدر . فارق نیک و بد اولوبده آخره نسبتله
بونی اعتراف . فقط نفسه اضافله انکار ایلمک بالطبع
انصافدن معدود اوله‌ماز . والحاصل منصف اولمق الا اول
مقتضیات انصافی کندی نفسه تطبیق ایلمکه متوقعدر .
دنیله‌بیلیرکه حلیه انصاف خواص بشریه‌نک ناظمی
حکمنده‌در . حسنیات و تمایلاتجه . قویات و فعلیاتجه
مدار منفرد تمیزدر .

اهل انصاف اوکیسه‌درکه : ولو منفعتنه‌م‌غایر اولسه
بیلله تسلیم حقدن بوجهه ابا ایتمز . منصف اوکیسه‌درکه :
ولو معارض و مخاصمی بیلله اولسه هیچ بر شخصک
ضریف و قیمتی انکاره قالمشمن . فکر وامل مخصوصی
ترویج ایتدیرمک غیرتیه بشقه‌لرینی اتهامه اوغراشمز .
انصاف اودرکه : احوال عمومیه‌نک طرز جریانه
نظر ایله تأمین منفعت ذاتیه سوداسندن فراغت و نفع
و صلاح عام ایچون هر فدا کارلغه مسارعده تردد اولنماز .
انصاف بودرکه : یریر اثر تشقت و تفرق عکس
مخوف و مظلمله افاقی برغریو کوسترکن — سر‌بازانه
خوداندیشانه ولولهل ایقاعیه — سلامت افکار و اذهان
بستون اخلاص تصدی اولنه‌ماز .

انصاف شودرکه : حسن ایفاسنه نفسنده قدرت
و استطاعت تحققی ایتمیان هیچ بر امر . خصوصاً عمومیه‌عائد

علمك مقامنه كچوب ده علم مقامسز بر اقلماسون. موهوماته وجود ویریلوب ده موجوداتدن اعراض اولماسون. عجز قوت فرض اولنوب ده مافوق استطاعه مهالك و مخاطراته دوشولسون.

انصافدن محرومیت، مورث غفقت و ضلالتدرکه — منصنانه ملاحظه اولنورسه بودعوائی مثبت نیجه اثار و دلائل تیقن ایدینه بیلر. — جناب حق خیر و فیضی پایدار بیورسون — خصوصاً انقلاب حاضرک ظهورندن بری جریان ایدن حادثات و وقایع — ارباب ایقان و انصاف ایچون — شوپوله پک چوق عبر و حقائقک ادراکنه وسیله لر بخش ایشدر.

واقعات و حادثاتدن عبرت پذیر اولیانلر، ادراک و انصافدن نصیبی بولمیانلردرکه شو عالم کیرودارده انلر ایچون فوز و فلاحه مظهریت پک متعسر در. غفلت علی الاکثر اہمال و عظالتله مألوف کیمسه لره عارض اولورکه عظالتله اتلاف ده شبهه سز خارج انصافدر.

انصافدن محروم و مظالم و مساوی کریوه لرنده پویان اولانلرک — ایرکچ — اوغرا دقلری سوء عواقب و خسران نظر عبرت و انصافدن نصل نہان قاله بیلیرکه : ادوار سابقه دن قطع نظر هر کون، حتی هر ساعت پک چوق مثاللر کورلمکدن خالی اولمور.

انصافدن محرومیت هر درلو احوال سیئه و احوال ردیئه نک رواجی دعوت ایدر. بشریته شین و شامت ایراث ایلر.

انصافک فقدانی دیگر خصائص عالیہ نک ده انکسافی دهسا طوغریسی انمحاسنی مستلزم اولور. منصف اولیانلردن خیر و فیض امید ایدیلر. نفعلرندن زیاده ضررلری کوریلیر.

بشریت مکرمه مطلقاً خصیصه انصاف ایلر متصف اولمق لازمدر. چونکه انسانیتہ شرف بخش اولان اوصاف عالیہ میاننده انصاف بر مزیت کران قدردر. ارباب

ایمانک ایتسه انصاف شعار پاک مخصوصیدر.

انصاف ایمانی جالب، ایمانده انی آمردر. ایمانی اولیانلرکده بعضاً انصافدن اثر کورولسه بیلر، مؤمنلر دائماً و هر حالده منصفدر متورعدر. حقندن هراساندز. حقوق غیره تحظیدن پک زیاده محبتدز.

رب العالمین، جمله نک، خصوصاً عبادالاهی شاهراه رشد و سداده ایصال ایلر وظیفه دار اولانلرک ایمان و انصافی افزون و مهاجمه زیغ و ضلالتدن مصون بیورسون. ابن الامین

احمد توفیق

سیاست شرعیہ

۳۰

اجانبک حقوق مدنیہ دن استفاده سی — اجانبک حقنده شرعک کوستردیکی آثار مهماننوازی — اجانبک کنندی مملکتلرنده ماللری رضالریله اخذک حلال اولدینی — متأخرین علمانک بیاناننه نظراً عقد سیغورطه نک درت صورتله تدقیق — شرعک محل عقدی نظر اعتباره آلدینی — سفائن استیجاریلر امتعه محموله نک سیغورطه سی — وبعض اعتراضاتک حل.

بردولت تبعه سدنک نائل اولدینی حقوق و امتیازه اجنبی بر تبعه دخی نائل اولور. شوقدرکه بر اجنبی زرده بولنورسه بولنسون، بولندینی محله حقوق مدنیہ دن استفاده ایدرسده حقوق سیاسیہ نائل اوله ماز. بزم سیاست شرعیہ مزده دخی معامله بومرکزده در. اجنبی بردولت تبعه سندن اولوبده برای سیاحت ممالک عثمانیہ ده بولنانلره لسان شرعده «مستأمن» دینورکه، بولنر ممالک عثمانیہ ده بولندیجه حقلرنده ارائه روی شفقت و اظهار رأفت کوستریلرک حقوقلرینه تجاوز ایدلمه سی کی آثار مهماننوازی شریعت اسلامیہ نک جمله وصایاسندن اولمغله شریعتک درجه مزیت و علو مقامی اثباته کافیدر.